



АРМЫСЫҢ, ӘЗ-НАУРЫЗ!

Наурыз – көне мейрам. Наурыз мерекесін тойлау дәстүрі дүние жүзі халықтарының көпшілігінің тұрмыс-салтында бағзы замандардан орын алған.

Дәстүрлі қазақ халқында Ұлыстың ұлы күні жыл басы деп саналған. Бұл күні күн мен түн теңеледі. Табиғат – Ана жаңарады. Адамзаттың бойында қан жүгіріп, талдар бүршік атады. Қазақтың байтақ даласын Қыдыр баба кезіп, адам баласына құт-береке, бақ-дәулет сыйлайды.

Ұлы даланың төсінде қызғалдақтар құлпыра

өсіп, бел-белестерге қызылды-жасылды кілем төселеді. Еліміз жеті түрлі дәмнен наурыз көже жасап, ұлттық салт-дәстүр, әдет-ғұрыптарды сақтап, ай бойы Ұлыстың ұлы күнінде араздасқандар татуласып, ел ауызбіршілікте болады. Ұлыс күні қазақ елі үшін әрқашан қасиетті, киелі саналған.

Ер адамдар бір-бірімен төс қағыстырады; әйелдер құшақтасып, бір-біріне игі тілектер айтады. Бірін-бірі мерекеге арнап дайындалған наурыз көже ішуге шақырады. Әдетте, осы күні адамдар пендешілік атаулыдан тазарып, арылады.

Алтыбақан басында ән айтылып, күй тартылады. Дәстүрлі ұлттық ойындар (кекпар, аударыспақ, күрес, қыз қуу, алтыбақан, тең көтеру, т.б.) ойналады. Таң ата көпшілік биік төбенің басына шығып, атқан таңды қарсы алады.

Ынтымағы жарасқан көп ұлтты еліміздің осы бірлігін Құдай ұзағынан сүйіндіргей. Ұлыстың ұлы күні құтты болсын, ағайын!

**А.ТОҚТАБЕК,
А.ОТУНШИЕВА,
М.Әуезов атындағы
ОҚУ, «Стандарттау
және сертификаттау»
кафедрасының магистр,
аға оқытушылары.**